

棗強縣志目錄

卷之四

名賢

仕籍

耆德

孝義

貞節

流寓

仙釋

棗強縣志

目錄

一之一

棗強縣志卷之四

永川羅廷唯瓶畧

祥符郭維寧纂輯

宣城胡夢龍
平陸王鶴齡
三韓董廷榮
重修

名賢

漢董仲舒清河廣川人也少治春秋孝景時為博士
下帷講誦弟子傳以久次相授業或莫能見其面
盖三年不窺園圃進退容止非禮不行學士皆師
尊之武帝即位以賢良對策為江都相事易王王
素驕好勇仲舒以禮誼匡王王敬重焉為人廉直

棗強縣志

卷之四

一

公孫弘希世用事深嫉之時膠西王尤縱恣數害
二千石弘欲中之乃言於上曰獨董仲舒可使相
膠西王王素聞仲舒大儒善待之仲舒恐久獲罪
以病免九相兩國輒事驕王正身率下所居而治
及去位歸居終不問產業以修學著書為事年老
以壽終於家所著皆明經術之意及疏條教凡百
二十二篇而說春秋事得失聞舉玉盃蕃露清明
竹林之屬復數十篇皆傳於世

附天人
三策

對曰臣觀天人相與之際甚可畏也自非大道之世天盡欲扶持安全之事在疆勉而已勉學問則聞見博而知益明疆勉行則道德日起而大有功道者所由適于治之路也仁義禮樂皆其具也故聖王已後而子孫長久安康數百歲此皆禮樂教化之功也夫周道衰于幽厲非道亡也幽厲不由也至于宣王思昔先王之德興治補敝明文武之功業周道燦然復興此夙夜不懈行善之所致也爲人君者正心以正朝廷正朝廷以正百官正百官以正萬民正萬民以正四方遠近莫敢不一于正而亡有邪氣奸其間者是以陰陽調而風雨時群生和而萬民殖諸福之物可致之祥莫不畢至而王道終矣今陛下貴爲天子富有四海居得爲之位操可致之勢又有能致之資行高而恩厚知明而意美愛民而好士可謂誼主矣然而天地未應而美祥莫至者何也凡以教化不立而萬民不正也夫萬民之趨利也如水之走下不以教化

防之不能止也古之王者明于此故南面而治天下莫不以教化爲大務立太學以教于國設庠序以化于邑漸民以仁摩民以義節民以禮故其刑罰輕而禁不犯者教化行而習俗美也聖王之繼亂世也掃除其迹而去之竊譬之琴瑟不調甚者必解而更張之乃可鼓也爲政而不行甚者必變而更化之乃可理也故漢得天下來常欲治而至今不可善治者失之于當更化而不更化也古人有言臨淵羨魚不如退

而結網今臨政願治不如退而更化更化則可善治善治則災害日去福祿日來

臣聞聖王之治天下也爵祿以養其德刑罰以威其惡故民曉于禮義而耻犯其上武王行大誼平殘賊周公作禮樂以文之至于成康之隆囹圄空虛四十餘年此亦教化之漸而仁義之流也今陛下并有天下而功不加于百姓者殆王心未加焉魯子曰尊其所聞則高明矣行其所知則光大矣高大光明不在乎他在乎加之

意而已願陛下設誠于內而致行之則三王何異哉夫不素養士而欲求賢譬猶不琢玉而求文采也養士之大者莫大乎太學太學者賢士之所關尤教化之本原也數考問以盡其材則俊英宜可得矣徧得天下之賢人則三王之盛易爲而堯舜之治可及也

道者萬世無敝敝者道之失也夏尙忠殷尙質周尙文者所繼之救當用此也道之大原出于天天不變道亦不變是以禹繼舜舜繼堯三聖

相授而守一道無救敝之政故不言其所損益也由是觀之繼治世者其道同繼亂世者其道變今漢繼大亂之後若宜少損周之文致用夏之忠者春秋大一統者天地之常經古今之通誼也今師異道人異論百家殊方指意不同是以上無以持一統臣愚以爲諸不在六藝之科孔子之術者皆絕其道勿使並進然後統紀可一而法度可明民知所從矣

呂步舒廣川人與同郡段仲溫殷忠從董仲舒授

皆石位稱建 仕 丞相長史武帝建元
六年遼東高廟長陵高園災仲舒居家推說其意
草藁未上主父偃私見嫉之竊其書奏焉上召視
諸儒步舒不知其師書以為六愚於是下仲舒
當死詔赦之仲舒遂不敢復言災異後淮南衡山
王謀反帝思仲舒之言使步舒持斧治淮南獄以
春秋誼顛斷於外不請既還奏事帝皆是之

魏賈夔字彥倫廣川都亭人父為符堅鉅鹿太守得
罪繫獄夔年十歲詣長安訟父獲伸遠近嘆之曰

棗強縣志

卷之四

五

此子英英賈誼之後莫與之京也自弱冠為慕容
垂遼西記室叅軍

賈秀夔之子事魏世祖歷中書博士遷中書侍郎
掌吏曹事高祖即位以秀東宮舊臣進爵陽都子
時丞相乙渾檀作威福多所殺害渾妻庶姓而求
宮主之號屢言於秀秀默然渾曰爾管職事無所
不從請宮主不應何意秀慷慨大言對曰宮主王
姬之號尊寵之極非庶姓所宜秀寧死於今朝
取笑於後日渾左右莫不失色為之震懼而秀

色自若渾夫妻默然含忿欲伺隙陷之會渾伏誅
遂免難秀執正守志皆此類也時與中書渤海高
允俱以儒舊見重於時皆選擬方岳以詢訪被留
各聽長子出為郡秀辭曰爰自愚微承乏累紀少
而受恩老無成效豈可無功之子起齊先達遂固
辭不受自始及終歷奉五帝雖不至大官常掌機
要廉清儉約不營資產卒謚曰簡子

賈景興彞兄之子清峻綆正魏肅宗時為冀州主
簿遂棲遲不仕後葛容陷冀州稱疾不拜景興每

捫膝而言曰吾不負汝以不拜榮也

賈儁秀之子字異隣襲父爵任荊州刺史依例降
爵為伯魏高祖時為洛州刺史先是洛州在 山
中人不知學儁表置學官士風為之始振在州五
載清靖寡事尤為吏人所安

賈叔休儁子襲父爵魏世宗時為給事中克慕父
志

禎字叔顯魏世宗時為散騎常侍學涉經史

以中

以母老患輒在家定省 免官後稍徙資議 軍
通直散常侍加冠軍將軍卒

賈景儁禎兄子以學識知名當世魏敬宗時為京
兆王元愉府外叅軍元愉反起兵并冀將授以偽
官不從被害贈河東太守謚曰貞

孟信廣 索盧人 寒頗傳學業信常曰窮

則變變則通吾家傳儒學而未有通官當由儒非
世務也遂感激棄書從軍魏永熙末除奉朝請從
孝武帝入關封東川子趙平太守政尚寬和權豪

無犯山中老人常以狔酒饋之信和顏接引乃自
出酒以鐵鐺温之惟素木盤盛蕪菁菹而已乃以
一鐺奉老人但執一杯各自斟酌申酬酢之意
老人曰吾守郡來無人以一物見遺今卿獨有
餉且食菜已久欲為鄉受一狔髀耳酒既自有不
人大悅再拜擘狔進之酒盡方別及去
未幾舉為太子少卿後遷太子太傅
不 其志 卓馬几杖衣服牀

曰

范廷召棗強人父鐸為里中惡少年所害

十八手刃父讐剖取其心以祭父墓周廣順初應募為招收指揮使司征高平遷殿前指揮使宋初從平李筠李重進轉本班都知又從征太原遷費州刺史太平興國中以日騎軍都指揮使從平太原征范陽屢進幽州道前軍先鋒都指揮使與賊遇固安南坡其衆三千斬首千餘級克固安新城二縣乘勝下涿州廷召復與賊戰中流矢石潰甲縷神色自若督戰益急詔褒之師還領本州團練

使端拱二年轉殿前都虞侯領涼州觀察使鎮州副都部署大破契丹三萬衆于河斬首數千級至道遣將從五路討李繼遷命廷召與王超大小數十戰屢克捷上嘉之後為定州行營都部署咸平二年契丹入塞車駕北巡廷召與賊戰瀛州西斬首二萬級逐至鄭州斬首萬餘奪其掠老小數萬口契丹遁出師還以功加檢校太傅改殿前都指揮使卒贈侍中在軍四十餘年由顯以來凡親征

不從數立戰功

劉亢以明經家學熙寧間中特科授彭城主簿

河中府虞鄉縣今官至御史大夫俱有令聞

元周祥至元間選充尚書省令史居官廉幹立政不

煩不苛屢授上賞少中大夫終戶部侍郎

鄭天倫鄭天叙俱祀鄉賢

羅公廷唯考
見鄭甫傳下

鄭甫字仲美世為棗強廣川鄉人美容儀音吐洪
暢稍長志節豪宕人以遠大期之屬金季喪亂乃
輦其父母避地河南服農躬致孝養後聞河朔稍
定兄義奮蹟閭里因挈家北還時元大兵南下從

其兄謁軍門主帥嘉其驍勇授右副監軍從征益
都分守要地適當矢石之衝常居兄前以翼蔽之
身受數矢終不動也其友悌如此尋分從攻信安
拔之義以功累陞龍虎上將軍永安軍節度事元
州兵馬都元帥甫初授署棗強簿進縣丞蒞事嚴
明吏畏而民安之擢同知冀州節度使事適蝗旱
民多乏食出所有以賑之全活甚衆授璽書仍前
職兼管民萬戶時民力日屈積歲負賦浸多會有
司徵之急乃書為券從巨室貸錢代輸之

至傾私橐以償焉先是信安之役城久乃下主將欲屠之兄弟緩頰俱言曰城所以不下者長吏之罪居民何辜陳懇再四竟得免有季佛子者以符水惑衆作亂棗强之東事覺連及闔境元欲盡誅之復以百方營解誅止七人所活又不可勝數二公生亂離雖未嘗問學然天性孝友而仁心為質皆此類也甫六十乞謝事年七十有九終於家子一十九人義子九人孫曾數十俱膺顯爵寵冠一時

時詳列仕籍

羅公廷唯曰按邑鄉賢祠祀鄭天倫鄭天叙二人而冀州志亦記其兄弟

棗强縣志

卷之四

十

俱為元帥及活棗强一事則其祀無間然矣余因俾吏榻取廣川鄉鄭氏墓表觀之其文完整但兄曰義弟曰甫無天倫天叙之名考其事則與州志膾合無二又為元世祖時人非順帝時第不知何自謬誤若斯之甚也及訊之父老或曰天倫即義天叙即甫卒於世祖時而縣前碑亭則元順帝時所立於身後者矣天倫天叙則其別號謚故與表不同是說頗近理但縣碑已剝落不存余悉表釐正庶信以傳信云

明

宋瓏洪武中由監生累官戶部郎中陞寧國府

知府歷俸三考清慎如一日民甚戴之永樂初超陞黃東叅政調河南叅政兩任卓有賢聲後以年求退終享休名云祀鄉賢

崔灝洪武間以貢至國學被

訪民瘼

微行利病周悉即擢為監察御史出按惟乘一驢
所至貪吏皆望風遜去民謠以為神繼有 詔下
海采珠灝得三石未嘗以顆粒私已時同事者二
人俱以匿珠賜死海上灝獨得歸永樂初陞衛輝
府知府歷政清慎始終如一以老疾終於官殯所
梁上產芝如蓮人以為清吏之異也祀鄉賢

周質字尚文祥六世孫洪武間舉茂才授沐陽令
有政聲召對稱 旨超擢陝西叅政平生著冰雪

棗強縣志

卷之四

十一

操尤以孝行稱於時

楊琛山西滿州人由吏員正統中先除棗強縣典
史清謹節約敬上勤民教勸樹畜貧而不能婚葬
者嘗給付以成禮後陞縣丞署縣事食知縣祿知
縣員缺久不除歷任九二十一年終始不渝及卒
士民如喪考妣因占籍棗強子智尋登鄉科任知
縣子孫衣冠濟濟遂成名族祀鄉賢

袁讓以監生任鴻臚寺序班正統己巳選從英

北狩沒於王事郡志錄於節 入祀

父職 兩淮運判

錢錫性冲夷純雅與物無競兩任別駕一相親藩
所在錚錚有聲暨謝政家居惟杜門閱古方集足
跡不登官府邑大夫敬重之今祀鄉賢

毛鵬才器俊偉學識宏博初任江陰廉愛兼著有
循良之績暨登臺諫著骨鯁之風晉貳囹卿秉塞
淵之猷一時皆望其風裁巡撫寧夏相機設策因
事建功邊鄙咸倚以為重其最有功于地方者若
漢唐二壩夏人引以溉田歲久湮塞胥失所天鵬

親為相度疏濬水利復興稔無虛歲全鎮迄今賴
之蓋所謂一世之偉人當代之名臣也今祀鄉賢
呂中道嘉靖中以貢士任河南胙城知縣惠以牧
民律已且廉繪耕織圖教民務農桑卓有循良之
風即解組而歸可謂明出處之義

單訥性狷介強毅百折不回且篤信好學不極於
成不已以進士授山西翼城知縣敷政治民凡
愧於心不為廉潔慈惠民有父母之稱卒於官

之入 城名宦

陳希東性資豁達博學強記尤以成已成物
一時名流多被其教而有所造就崇階膺仕
治民卓有成績皆能行其所學若無愧於
功者惜未見於設施徒薦鄉科而未償其志
陶應龍老成持重謹飭剛方登第後不異寒素筮
仕儀封政先撫字百姓悅安時巨寇施尚詔猖獗
但陰為備豫不動聲色及賊偏鄰封始約士民旦
夕為守禦計雖一草木皆不先自戕伐以保安全
賊竟不至民尤德之既按遼左振肅綱紀洗一切

債帥朘削軍士故習歲值大侵野殍相望亟請發
帑銀賑恤全活無筭總帥楊照自負勇略不屑脂
韋監司多投謗書者悉束之高閣照因愈自奮翼
遂 屢建 大功緣多事焦勞兼母老在念致嬰
痰疾再䟽請告西歸間有都司崔姓者假藥方以
投餽牒惟嚴斥之亦未表暴以博却金之名天性
孝友事母愛弟終身如一日家居二十餘年惟力
課子適情干花竹魚鳥之間足跡不一至官

謂其有靖節之風

儀封縣志

墓誌之語 云著有 事紀

何思問朴貌古心冲 雅度居鄉恂恂喜怒

輕見 任司理率多平反既守霍州績懋循

良大計推廉能第一群牧皆景仰其駿譽分署

官時方倚重乃翻然乞休有急流勇退之風優游

林下踰三十年壽登九十從來無一事干謁有司

清操高致足以範俗乃竟箕裘不續是何天道之

無知耶

李自謙績密深沉居常一顰笑不苟步履雖尺寸

棗強縣志

卷之四

十四

不失初任齊河循良遺愛暨擢留臺憲紀克持至

于建 儲

保泰諸䟽風裁表表一時胥欽其謏諤而服其忠

愛比守鄴郡造福蒼赤尤多惠政後以嬰疾乞休

行李蕭條圖書之外無一長物歸家杜門謝客

值匱乏而處之怡如清操懿範月旦推之刻有

臺奏議

江學詩發憤好學毅然有下帷誦讀之志諄諄

義動 以古人自期立愛惟 終 之 本諸

念真誠鄉黨稱爲純孝多所著述景行義方等錄
良足以似續往哲而啓佑後人若其策名仕籍由
學博以至監司敷歷六任績無不懋譽無不流猶
其生平之緒餘耳

王義對孤狷嚴峻強毅有爲初以一榜筮仕寶坻
繼擢懷仁以制起漳邑地方荒涼向有塩井所出
辨課以外所收餘塩歷來縣官取以爲私始到任
即力爲條陳除寬收量免以恤灶戶外量爲三分
一備凶年倉廩一備開荒牛種一補逋亡丁銀永

爲定規不復征派漳民賴之轉陞洮州通判合懷
仁洮州先後條議二十有三俱屬實實經濟而塩
井一政萬世之利尤其大者宦中著俚言錄篇首
自箴一說辨南軒義利 空桑取與其一生本領
具見于斯故蒞爲事業光明俊偉乃爾既告致仕
歸田蕭然琴書道臺蕭某餽金不受尋馳介千里
遺以可與天知四字 迄今存之入漳縣名宦
李方生品行温粹文學弘瞻以鄉科振鐸雄縣躬
先率迪勤月課習講學士被雅化既陞內鄉縣令

廉以持已惠以及人清慎勤儉無事逢迎于時不
合休致歸來囊篋消乏門清似水素風令範時論
靡不傾許入雄縣名宦今祀鄉賢

郭盤石忠信誠慤表裏如一方軌矩步尺寸不踰
苦志力學舉庚子科孝廉洋縣清澗歷任兩縣仁
心仁政貫以真誠召父杜母人爭頌之乃丁艱旋
里清風兩袖圖書數卷闔門養重絕去干謁謹儀
教子凡事不苟每逢朔望之期必親詣文廟展拜
先師雖盛暑初寒不少渝總之身之所爲無不可告

棗強縣志

卷之四

十六

人之語日之所行無不可對天之事時皆稱其有
趙清猷之風

王興邦器識淵弘才猷沉毅奮志敏學少治春秋
樹幟詞壇洎選貢於 廷勵志彌堅偕二三同人
結社講學雅慕范文正公之爲人仿古焚香誓天
意交相勸勉其立念抑何偉歟既擢汶川令汶延
袤二百餘里俱係山坡羊腸差役浩繁疲于奔命
百姓逃亡甫蒞任即力爲中革歡聲雷動幾于家
頌而戶祝之至若請益兵以防重地建索橋以

糧運捐俸賑貸作養學校以及格天

盜種種善政載在實政錄

朝廷褒美卓異

恩綸特錫方有成都郡丞之擢乃以親老力請絳養
抵家日與素友結耆英會悠悠泉石跡其風烈真
不上愧古人

李遂英姿邵俊卓犖不群正直無私言動不苟性
尚勤儉至鄉里有匱乏不火食者輒力爲周恤而
不吝生平尊師重道開社館延名儒務以德造相

棗強縣志

卷之四

十七

期許三十年者如一日既由成均晉秩兵馬釐剔
積弊洞若神明

輦轂之丁頌聲丕著后及謝政絕迹公庭樂志田野
一經教子惟日以古聖賢書史朝夕誦法而提命
之嗣是公孫蔚興高掇甲第其遺澤弘遠矣
王化成忠厚存心慈祥及物幼舉孝德長好施與
助婚葬讓田宅朔望散錢米恤孤貧樂善不倦及
入太學九城守諸大事蠲助樂輸急公尚義一
稱爲第一縣大夫每敬禮之後任鴻臚序班兩

筵鄉 推重

宋治寧資秉醇厚氣度淵凝簡靜渾穆如玉之在璞趨庭凜凜雅志好修沉酣史籍以易經名家茂年登己未進士兩任李官明允著聲擢取戶部主事洵歷郎中陞汝寧知府歷任半載以病乞休生平清操介節不染一塵居恒嘗課子曰第願汝曹爲清白吏子孫勿墮家聲已耳繼此長子師郊首領歲薦仲子師祁丁未殿試哀列二甲第三名前後輝映議者以爲前人未竟其施蓋其所篤哉云

張于陞天懷高邁警敏嚮學嘗手著四書併大易解爲學者宗登乙卯鄉薦尋中丙辰會副兩署教諭雅志作人士被時雨之化洎陞樂陵不競不絀家頌慈惠之師轉東昌同知歷署臨博范縣恩高四邑知足不辱退老丘園清風勁節穆然可師旣而公姓崛起鈔齒獲雋孫謀之令人皆仰之
崔燦賦性忠烈大義自持 清初以壬午舉人選授湖廣耒陽縣知縣 順治五年春土賊猖獗乘機入寇親率僕役挺身血戰射死數賊矢盡俱沒

身獨被執賊逼其降憤辱大罵賊衆愈怒拷掠鍛鍊體無完膚至死不屈罵益厲遂致勒殺事經

吏部查明

題卹忠魂耿耿千載如生爲臣死難大節洵稱無虧李嵩厚重嚴毅沉默寡言閉閤潛修不交一人以進士任山西翼城縣知縣幼學壯行銳然有爲首育人材建公所贍廩給日示鼓舞著爲河亭會課一時多士沐其教澤如王氏廷諫廷議上官氏鑑與鉉與鉷者皆成名進士或列台省或膺監臬咸

出其門下士至于實政及民撫字尤稱心勞躬課農桑巡行郊藪見其民穴處泥首塗足身無完衣幾不辨其爲男女者慨然曰異日居權要力當除此煩苛而出之溝中因題詩石壁以志其事未幾五載考滿擢選御史知無不言且能言人所不敢言直聲震中外兩按秦晉即繪圖以進忝爲寬其徭役不特爲蘓驛遞之困已也既以直諫忤時例轉湖南監軍會臨藍郴桂永道諸處猺寇猖獗躬擐甲胄親冒矢石臨戎之先密書姓字于

不使人知炎熱卸甲人始竊見之是對壘時直
性命付封疆而博萬姓之安全卒之士卒用命渠
魁授首竟使三百年烈焰甦于一旦偏沅題請奉
旨建坊衡州府暨耒陽等六州縣鼎建生祠肖像尸
祝後以湖廣右布政解組歸休大抵生平當大事
剛果不撓挺然負荷所在有聲在晉有救急一勺
在秦有諫草在楚有平寇紀事尤長于詩有白雪
堂詩稿讀千秋輿誦錄迄今猶可想

見其風采焉
入翼城名宦

李維喬襟期豪邁潔清自治性嗜古不與俗爲伍

慷慨慕義每多大度之舉崇禎中籲俊

大廷雅志恬退不樂仕進曠懷一室高自標持一流
自命有夷然不屑之意

陶以銓天分連卓敏達諳練天啓甲子初舉孝廉
任朝城縣尹精明果斷嚴以出政申令甲杜豪猾
上下肅然境內稱治及遇多故之時清保甲飭守
禦掘品坑事事周詳百姓父安至若譙樓懸金期
于罪人必得爲旅魂雪沉命之冤當時尤表表稱

爲異政陞衛輝府同知未及履任沒于

在公才猷
未殫惜已

徐國化天性沉潛見高明家世塞微輟就外傳
勵志上達韶年入類閉戶挑燈風雨勿輟其室
曰筆花齋辨文體正格沉心理學羽翼經傳如
此者三壁十年教授生徒從游日衆唯知讀書之樂
家徒四壁陶如也高才絕學取青紫有如拾芥
午之役兩中副車八年值盛典拔尤除陝西崇信
知縣當流寇兵以生全泊丁憂抵舍教誨爾子弟
迺加意撫摩予火燬之餘百姓逃亡十室九空
子益進闈揚程朱之蘊發明先儒未發終日坐談
亶亶不倦間嘗門弟子曰吾生平所得義理不
能見諸施行庶幾表明于小
子耳優游林壑以終

仕籍 賢者不見名

漢孟但

焦敏

漢末小黃門善隸書載其碑於棗強今不存俟考

魏賈敷

幽州刺史封廣川焉

賈潤

夔從兄孝武時

賈興

棗強縣志

卷之四

二十一

叔休長子肅宗時襲陽都尉

賈賔

興弟肅宗時

賈子儒

禎子敬宗時為

司空曹叅軍

劉京

由進士治平

劉宗愿

京次子肥

劉翼

京第五子為大

寧縣令 劉義

亢長子左承事

劉復

亢仲子舉鄉貢新科明法

亢季子 劉致用

亢長孫鄉貢進士

劉濛

亢之裔世次未詳

登王佐榜與朱文公同

金劉鐸

承安五年舉進士歷武昌節度副使

元王可榮

至治中進士

周惟忠

祥長子尚牧監

周德

輔惟忠子累遷

周舜舉

德輔子同知潞州都事

鄭德温 義仲弟 襲義職 為世爵 千戶 征 鄭

武略將軍 萊 鄭汶 深州 諸軍 佩金符 鄭沔 百戶 鄭濤

廉鉄冶提舉 鄭滂 承事郎 典官 鄭渤 州武將 軍岳 鄭澣

將仕郎 建 鄭澤 襲義 鄭江 招勇 大將軍 河南

承事郎 雄州路 鄭淇 千戶 鄭濟 千戶 俱

判官 俱甫子 鄭淇 千戶 鄭濟 千戶 俱

使兼符 鄭河 魯花赤 鄭淇 千戶 鄭濟 千戶 俱

金虎符 鄭河 魯花赤 鄭淇 千戶 鄭濟 千戶 俱

江京幼從事 詩書制行純雅 里中有義舉 輒首倡

之邑 父母下車 每就詢 邑中利病 嘉靖十五年舉

鄉耆 年八十餘 終於家

陶明性質 直剛毅 平生不能為私 曲事接人以誠

處家庭 以嚴尤注意 子孫輩讀書 家貧雖傾貲不

靳後 龍貴屏跡 不就宦 邸惟諭以廉平 節愛邑人

以是益敬重之 嘉靖三十年舉鄉耆 旋進鄉飲大

賓子 二孫三俱以儒顯

宋瑞 慈祥愷悌 與物無競 有古長者之風 凡閭

棻獨不能自立者 多所存恤 晚年謝絕世故 惟

養調攝而已 邑中稱長厚者 推之嘉靖三十五年

三俱業儒或修農工年九十餘始沒慈應節約
己自奉濟物以仁施藥餌以活人之生捐義塚以
急人之死泊然古處人恒敬之舉善人于旌善亭
鄭洪志存心中正居鄉長厚康熙十三年舉鄉耆
林三蘇年八十七歲幼務農事兄弟和好宗族親
睦時當饑饉人不聊生施飯七載於康熙八年舉
鄉耆子二孫八長子長孫俱已
入泮曾孫二至今四世同居

孝義

江雲鷓性淳謹事母承顏順志期得歡心不徒定
省供奉而已母疾躬視湯藥至廢寢食禱於神欲
以身代鄉黨賢之有司舉於學院移文旌獎且揭
其名於旌善亭以勵衆

先自正別號瑩山生員生全孝道志事兼盡其親
死廬墓三年奉

旨建坊今廢

丁三省母李氏幼舉貞節省事母至孝母死廬墓
三年奉

旨建坊旌表坊今亦廢

楊一柱朴誠醇篤家世殷厚施藥周貧三舉大賔
一表孝行事父曲盡其節里中以老人稱之

趙登啓家貧幼失怙事母冬溫夏清每出傭販遇

芳鮮之物未奉母不一入口其母八十餘今尙康健本縣旌獎其賢

張應龍事父至孝其父沒三年不入寢室本縣舉爲孝子

安昌運生員以孝事親人言無間知縣陳公三重亟請于上其畧云一介寒儒克敦子職供菽供水隨處真愛盍流嘗糞嘗藥一片至誠無僞青衿得此亦無愧于咏蓼莪呼蒼旻者矣敬表揚之

以挽淳風

掌柱毛庄人天性愿慤家貧事繼母克服其勞年

九十六歲猶身承菽水晨昏不缺

吳仲廣吳仲大吳祥瑞係同胞兄弟幼日父廷博於順治五年爲族侄生員仲節與堂兄弟仲表仲登毆死表登偕逃節復未坐遲之數十年至

康熙元年三子壯乘節拜朔于三子之母挺擊斃節于俄傾三子持挺自首爭抵公堂各憲屢鞫淖情後皆獲釋當三子入獄家窶甚三子婦日夜織紡竭力爲三子供給數年示懈不怨後因伯父廷兵攔詞止訟受賄娶妾生子廷兵亡子既成童旋

亦亡妾改適嗣以絕止遺嫡婦三子歸為耕田以

養之伯母卒田產器物悉鬻為治喪具併無恹意

若三子者父子兄弟夫婦之間固倫全其三矣一

門孝義三子有焉

附三孝子傳 三孝子者邑東南三十里樸庄人也吳姓長名

仲廣次仲大季祥瑞幼日父廷博為族侄仲節同堂兄弟仲表仲登毆死表登偕逃節復未坐後三子壯乘節拜朔於三子之母挺擊斃節於俄傾先是表登類搖蕩游冶廷博嘗恃族尊相表登久憎忌之仲節生員也表登每欲倚節毆博節英年氣勝夙有縱毆意會俱禮謙庄科牛姓晚歸中途廷博表登復語言相觸沉醉昏夜中表登已毆博斃矣節傍猶曰打打是為順治五年也時仲廣歲方十八仲大未成童尚扶床表登既逃莫為踪跡節未經府道鞠竟先控刑部申辨以道遠難

棗強縣志

卷之四

二十五

仲廣復以銀二百五十兩浼張四寬袁見廣通廷博胞兄廷兵僱一老婦冒仲表妻蘓氏行財投擲詞止訟三子母泣詈廷兵曰汝不念手足欺汝諸孤姪幼汝諸孤姪豈弗長余力時何能汝爭余唯留余夫受毆血衣示吾二三孤兒爾廷兵竟主葬廷博迨順治八年仲廣控直隸御史臺發真定司理杜鞫杜以節坐視不勸擬杖准贖廷兵受財併杖表登嚴緝蒞縣候詳倉羈仲廣反三閱月初節以饒裕優游巷翩翩少年也經大獄後恒產失而官衙中竅竅蹊熟因邝為里巷愚氓戚知通謁官司事反富倍前三子遂不敢復言上控甚弓矣子母兄弟惟篝燈夜績時每環視血衣泣日節於衢中祠宇簷下坦腹酣卧季見之歸取刀圖戮登基而節頓覺季誑曰吾蓋尋某某為吾截草耳是時廷博死十餘歲矣三子窶無資身策節數委人通意以錢七千為三子業其母泣顧三子曰兒即餓死何至受伊恤兒竟忘汝父豈犬豕邪三子泣曰卻此恐見疑耳何忘兒父俄為

訥訥然不能措一語季稍勃露然亦強爲之家父子兄弟夫婦固倫全其三矣愚平日最喜陳方城曰從來讀書人胸中理義太多可彼可此卒無完事三子者可不識丁少哉舉人里人劉元燿撰

袁榮正統六年輸粟五百石賑濟有司以聞賜

敕獎諭仍免本戶雜泛差役三年舊表石坊今廢

單祥成化三年輸粟一千石賑濟事

聞立坊旌表坊今廢

范繼仁邑庠生正直剛方常變不易崇禎十六年大兵南來擄其子婦仁見之大罵兵怒俱殺之可謂義士矣居平義方教子三子三孫皆入黌門長

棗強縣志

卷之四

二十七

子毓俊首應

國初歲薦任蒙城知縣仁人有後殆天之所以報施善人也

王登梯少孤性忠懇好義弗輟鄉黨遇有急難咸爲借貸不索償至助婚助喪生平尤多義舉里有張名強周永秀者歲大饑貧不能娶悉出已貲爲之婚配今強妻張氏生三子秀妻傅氏生四子俱能力傭以養其親梯年逾五十子三孫二長子清補武學生員餘讀儒書一時共推其忠厚云

顧慈家甚貧賣水爲生偶人蓆市拾銀一十六兩五錢心意其爲買蓆者之所遺匿之必致傾其家殆俟其追尋而與之市既罷猶堅守以待無何見有于姓者向李姓某某泣訴失銀之故因併相還鄉閭義之王明德縣西人經紀生理及赴市拾銀十分之半謝曰脫使秘而不言不猶得其全乎併不取一錢臨財不苟得之市井之人更難王全縣前厨役初生員張嗣京遺銀四兩不知其爲王全之所得也後全聞之盡以原物付之身爲未役獨能見利思義即其一念之義亦有合于不取之節矣

貞節

張氏名金錢生員張相妹也年十五正德六年七月流賊破城虜金錢欲污之金錢罵不絕口賊怒遂殺之撫臣奏旌其節

和氏和鑑女居邑之胡仁屯正德六年流賊野掠欲虜以行女曰吾良民女子安肯從汝猪狗賊貪其容色猶含怒而百計誘之女終不爲所脅遂遇害

楊氏李奉妻貢士李應科之前母也正德六年流寇拔城爲賊所擄不屈遂殺於縣前小街壓街石

之

氏蔡甫元妻

高氏宋亮妻俱以夫死守節前後得以旌表其

羅公廷唯云按古河先生曰余采真定故實傷為臣不忠云於乎死生亦大矣自三代以風俗頹敗臣子背棄君父者豈少也而貞婦女史不絕書於真定觀之不益信矣哉至明季逆瑾之亂人士大都以豚行恬不畏法卒之六輩攻陷州縣所在冠帶輩鮮不望風奔潰突鼠竄矣其間以節死者自棗強知縣段豸之外不多聞視死如歸如張金錢和鑑女輩不斧鑕諱何若是其烈耶彼法先王而誦詩書者往往於幾微利害未有不神禡而魄落者矧責之死生之際哉余於是作烈女傳而終之以此且以告夫天下為人臣子者先生篤論君子也

棗強縣志

卷之四

二十九

讀者宜三思之

危氏彭氏危生員何洪妻洪卒危年二十四歲子

紹尚幼危撫孤守節極其勞瘁課子遊邑庠至正

德六年流賊猖獗紹與城守城破遂見殺時婦彭

氏方年二十八歲子思問方七歲婆婦零丁孤苦

事勢艱屯彭銳志死守奉姑撫子曲盡孝慈後子

舉鄉薦歷官戶部郎中贈紹奉直大夫員外郎彭

為太宜人

張氏民谷遷喬妻夫故氏方十九歲水漿不入

者數日因有遺孤父母強之始食撫孤成立完節而終

鄭氏王需妻需故鄭年二十有九子義對生甫踰月氏以死自誓有古栢舟之操課子讀書後領鄉薦年七十餘卒

許氏張同憲妻憲故以守節自誓撫幼子伶仃孤苦歷久彌堅以老疾終

危氏錢璜妻璜故氏年方十六歲撫幼子錢可立矢不再醮及可立早亡與少婦崔氏烝烝子立備

歷艱辛志節愈堅學院旌其門為雙節

韓氏夫李時春卒時年十九抱一歲兒誓死靡他備歷艱苦至蓋棺冰操不移

李氏生員劉登庸妻夫應試卒於京李聞訃即求死以殉諸親勸之撫孤方勉從之守節歷五十餘

年

已上俱經學院旌表

李氏生員王宗卿妻夫故氏年二十九歲誓不再適撫育幼孤躬紡績以為就外傳之資甘貧茹苦節四十餘年且事孀姑至孝 勅封太孺人卒

馬氏蕭調妻調故氏年二十二歲年少家貧

自給有之死靡他之志蓋棺完節可以風世

李氏陳萬良妻夫死即以撫孤報夫自矢守節

身人無間言

李氏張永堅妻夫故氏年二十二歲一子子立氏

備嘗艱苦撫養成人孀居四十餘年矢志

無二從一有終

董氏許從禹妻禹故氏年二十歲守節以更適爲

辱撫養遺孤劬勞萬狀不改初心卒已八十餘歲

已上俱蒙
按院獎賞

棗強縣志

卷之四

三十一

賀氏生員崔養民妻夫故氏年二十三歲先是夫

病劇氏數日不食姑勸諭再三氏言夫死必不獨

生夫臨危尙未瞑目氏上樓投縵身死本縣具聞

兩院其批文有云義重偕老計恥獨生夫肉未塞

已先作樑上之鬼姑言雖切終期慟地下之魂激

烈令鬚眉反羞褒揚宜泉臺增價合照例旌表

張氏故民盧自本妻夫故氏年十九歲家貧勵志

織紡事姑以孝自生事以及死葬不至失禮撫養

幼子盡力農桑教誨二孫皆入黌門女中之完

人也

姜氏故童生劉源清妻夫故氏年二十歲秉性剛直素不得於夫然躬執婦道未嘗一夕少懈一日夫嬰暴疾身死氏義不獨生引刀自裁可謂有烈丈夫之行矣

馬氏故武生張應洲之妻少喪其夫誓不他適一勞教子長遊泮宮享年八十餘無疾善終

張氏故民王彥賓妻夫亡氏年二十五歲誓不二天遺子八歲氏撫其孤並育其侄兩乳鳩均視同一父之子長俱成立壽八十餘於順治十四年

棗強縣志

卷之四

三十一

冥然而逝

已上俱經題請旌表

魏氏王志觀妻崇禎十一年十一月冬大兵西下擄之以行不從遂死於兵

楊氏楊全斌妻崇禎十六年三月初五日大兵深入閭家被擄明日棄其餘獨馱以行不從遂殺之張氏生員裴尙儉繼妻氏年尙幼平居親期舉案夫婦相敬如賓一朝夫死恥爲苟活尋亦自經武氏故民劉從欽妻武開女明萬曆中舅姑壻男一時同死于疫僅存從欽幼弟應化氏誓不改

視應化如子井田務百九勞勩氏獨一身

務期家道有成應化幼而無知反疑氏志不終多
不馴順氏撫育經理毫不少懈及長爲之完娶後
應化悔悟夫婦感激敬事如母享年八十餘於

皇清順治初年無疾而終口流香乳數日未

殮面尙
如生

徐氏崔村舖故民范嘉謨妻夫死氏年十九歲子
然孤立上事公姑下撫遺孤孝慈兼盡享年七十
九歲而卒

苗氏崔母村故童生王興宗妻氏適興宗方二載

夫故氏年一十七歲初夫寢疾氏立志即以同穴
自誓比及夫亡七日不食而死

楊氏故民李正名妻李氏其妾也初名三十六歲
而無子乃買妾爲無後計未幾一病不起因堂弟
明倫生子遇隆尙未週年遂過房爲巳子時楊年
二十六歲李年一十六歲憚獨孤苦黽勉同心飲
水茹柏堅志紡績課子成名青年入泮食餼公家
今楊氏年逾八十六歲李氏六十三歲

一門雙節
可以風矣

范氏故民七有似妻故都憲毛鵬之侄婦也夫故

氏年二十八歲當夫臨終氏獨以身相殉自縊幾死姑覺救甦五日不食奄奄如泉下人時幼子士俊方五歲甫離襁褓姑百方開諭示以姑老子幼婦死必不能兩存氏始忍死勉食孀姑撫育稚子孤寡伶仃親操井臼及子成立會 朝廷修崇武備特設武學俊首出入彀以母老在室抱竒不試氏今九十一歲頤養天年朝夕紡績貞勤如初崔氏故民張養遂妻生員張聖賜之母夫死氏年二十歲一孤在抱雙白垂堂氏竟柏舟矢志之死

靡慝送二親以歸終課一子以有成年邁

七旬終始勿替

流寓

周呂尚東海上人本姓姜字子牙爲四岳之後封於呂因爲氏初窮困於棘津築臺賣漿後聞文王善養老歸周釣於渭遇文王載與俱歸號太公望後從武王伐紂以定天下封於齊

唐劉言史趙人與李賀同時詩歌瞻美嘗薄遊信都廣川間王武俊鎮冀時頗好辭藝一見言史遂加異敬將置之賓位言史辭免復表奏官授棗強令

言史亦辭疾不就故世稱為劉棗強云

仙釋

唐丹臺真人邑人邊氏女名洞玄生即丰骨不几有

道氣早棄家於紫雲觀修行清苦不間寒暑復遇

異人授以仙術開元初白日上昇刺史原復以狀

聞玄宗賜詔褒美立碑於觀下贈丹臺真人至今

其地名邊村鄉人呼為邊仙姑

玄宗勅刺史原復詔朕承唐運遠襲

玄元載弘道流遂有靈應彼之女道丹臺真人白日上升五雲在御不圖好道遂有明徵深為喜慰

卿舊相之子家上玄玄能叶心志自茲目視果成朕願雖上青云遠而舊相猶存遼海雖別於千年

棗強縣志

卷之四

三十五

維山復期於七日窈冥響像故亦依然今因奏使迴便付少物卿可於觀所宜修齋行道以達朕意也卿能至誠必有通感然道之為教本貴無為宜用乃心化彼黎庶

元月溪居士名塔里幼時方解語即自言剃胎髮在

墻穴中指母取之依然猶在人皆驚異謂與古人

識環記井事不殊也長慕佛教遊四方為名釋產

承相薦之至元間官東平路總管以廉慎稱乞休

誓為佛門外護九僧尼粘縛者營救甚衆講授一

吐萬言老而不倦一日說偈曰我不成佛佛說

佛非我做我無為語竟無疾而逝壽八十有三

士承旨安藏銘之推爲趙開間之儔

羅公廷唯云
按仙釋涉於

異矣錄之以示備耳雖然天地間何
所不有彼拘方者又安足與辨耶

棗強縣志後序

粵稽古天子建天官先六大
曰太史掌紀時事其小史外
史列國采風之貢屬焉下逮
閭史州史亦皆得紀其名物
風土法制政事凡可彰往詔

來者以時達於上而采輯之
是故陳詩納價以觀民風考
時月定日同律禮樂制度衣
服正之者此也夫志邑之史
也棗強地居畿服奚故無志
蓋自畫野分疆而辨正之

在天有定次舍在地有定方
位在人 有定體蹟是名有沿
革而一定不易者亘古今無
殊也凡見於職方通志是必
采輯於郡邑始得而棗強曰
故無者其天會蕩析淪湮之

後云無則昧明徵遺陳納廢
觀正不甚為缺典乎茲觀風
者每注措意向縮綬茲土者
恒歎惋其無徵也夫及今歷
我朝幾二百禩矣邑侯貫溪羅

公乃創之於始辭欲簡義欲精表紀擬史記褒貶法春秋自成一志例其曰邑畧若俟博雅衡麓石公成之於中簡者核精者詳兼總條貫幾有成績惜以去位弗竣事如

有待成大事者必可大受者也鶴野郭公精鑒閱博擅二長而體二公之撰復仰觀俯察旁搜博采參之譜牒訂之時事散者聚逸者補微者顯滯者宣提綱有四挈目一十

有二支附三十有六志天文
則維書星野以星主分民野
主分土也志地理始曰疆域
乃地之辯方於外而沿革形
勝山川古蹟皆在疆域者也
附之繼曰城池乃地之正位

於中而公署墩堡舖舍倉場
市集郵典皆依城池者也附
之有人以有土故志戶口曰
里甲乃兼總斯民以供役於
上曰保甲乃聯絡斯民以防
衛於下風俗以驗民情物產

以別土宜此皆係於分民者
也有土斯有財故志田賦曰
官田曰民田分土以授民曰
賦法曰役法取民以供上附
於賦者貢稅驛站附於役者
馬政兵防此皆係於分土者

也既富方穀志學校成人有
德小子有造曰書院學田射
圃社學附之治民事神志祀
典祈報告虔正俗攸分曰壇
壝廟宇係之人物志曰職官
以士有師承民有父母品格

雖殊咸蒞茲土名宦則職官
之有功於民者也民有遺思
祠有俎豆可以觀政曰選舉
以濟濟多士生此皇畿明揚
有典士鮮遺佚鄉賢則選舉
之法施于人者也善蓋一鄉

名垂不朽可以觀德曰仕籍
皆邑之俊乂而聲施于古曰
名賢流寓又古人中德業聞
望可以垂世者也曰耆德皆
邑之黎老而表著于今日孝
義節義又今人中仗義守節

可以振俗者也是皆可附于古曰仙什亦邑之異行而有述者抑亦可附于今人事志惟曰藝文為人事之精華可信今而傳後曰事紀為人事之故實可稽古以證今循紀

傳之例寓編年之法百務之支分雖殊義意之流貫則一是故藏之邑府秩秩乎著一代法程告之越國焯焯乎徵一邦文獻陳納于觀風俗者則百凡政務犁若指掌固

不待撤蔀屋而灼徹天宇中
矣所關豈不大哉功顧一偉
哉公猶退然曰方之史氏歸
之大雅其亦自道云迺紀之
以俟

萬曆歲甲午春二月山西孟

縣知縣邑人宋室撰



來 強縣志跋

來 強雖彈丸謏邑官 誠
輔要地民俗吏治曷可以
漫無考稽前此幾二百
季乃僅一水川羅漢
之邑略而此外無文獻焉

是誠缺典之大者萬曆
甲午大梁郭侯毅始以
纂脩為已任即前邑畧
而增益以成全帙彬々稱
盛稽古論治者疇不以
之一快顧迄今又感二十

餘年而似續翻刻者亦不乏
有閭時異執勢殊固多
齟不相合放佚失紀書
者而鄭侯之美意又幾
乎熄矣肆我邑侯仁齋
王公深慨嘆之迺重修

于政成之暇因課屬不任
以左右之役不任罔命怵
然良以寡昧竊禪于討論
謗陋何有于潤色深恐
為邑乘之玷而貽感
之羞也屢懇辭之弗克

乃屢勉執事不恤管見以
知一得之愚多於撻垢而
要極致精詳易以滌飾而
為實錄點小技以追大雅
皆我邑侯之猷運郢斤所
謂游夏不能贊一辭者也

咸正言缺允為一邑之信史
笑不佞欣逢事竣竊于感
邑侯所以首先是舉之意
猷究其微而知其謨之嚴
訐猷之家遠也嗚呼蓋亦
巨細莫弗志之所該也

民生東汝為要樞之矣治
亦所以為民生耳東臨一
民生計日感困弊已甚穀
之疇皆貧富登耗將什
伯矣然而賦不常重役不
翅煩且額舟之征又取之

盡錙銖也小民其何以堪命
耶嘗讀唐人聶夷中田家
之詩曰二月賣新絲五月
糶新穀醫得眼前瘡剗
却心頭肉有味乎其言
之專民之疾若何以果乎

是疇嗟之心頭之肉剝之
殆盡眼前之瘡醫之
日復一日何所止極惟
轉乎溝壑耳長民者願
不思所以軫卹而拯救之
調停而生全之乎此田


賦之書所以獨詳而我邑
侯切之作志之激意端在
于是也豈徒為編年紀
事而已疇嗟疇嘆此一志
實我侯傳心之要蓋也
仁民之妙用也觀風俗

書儒棟而繹墨之末亦非
幸民更生之奮也

詎眇小劫
故明

萬曆丙辰仲夏之吉
承德郎陝西慶陽府通

判邑人陶萬象撰



重脩棗強縣志後序

棗強畿南古縣也其先無肇
自邑侯羅公厯郭侯王侯大
脩焉其爲書一倣太史公年衣
衾家列僮鉅而山川井里土田
財賦縉紳儒彥微而技藝方術

靡不悉具詞不繁而意足事有
序而法嚴儼狀一代良史也季
歲旣久幾成患滅我

侯胡公起而脩纂之誠曠舉也
公旣總其大成旋以攷訂屬蒿復
諸先生蒿復先生復疆余爲之

贊襄辭不獲命乃從先生商
確爲志舉縣事之合應紀者
皆恥其可吠爲瀆而無所狗
尤兢兢致慎不敢紛更前人
錢穀之制新舊不侔則吠
國朝新刊賦役全書爲準間或前所

未載如

誥勅如墓志如天人策下帷圖嘉言
懿行皆

朝廷教化人才之所繫則增之前
所旣載而後復刪而不載如
習尚如物產陳詩納價皆

國家風尚地利之攸關則續之嗟乎
舊志距今五十餘年其間
屢變文獻悉亡無從取徵而一
邑之中又弗能如太史公之周
游歷訪未免襲誤踵訛舉一廢
百是則可憇者耳雖狀志之大

端取其有切於世道有裨于人
心垂勸戒示久遠足矣闕畧之
失又何諱焉而要其事皆蒿復
先生邑候
胡公筆 削之
之也

丁迄已遷迫兩歲且弗獲行
重鑄而回仍舊板輒事補
致長短參差截鶴續鳧不能不
有遺憾若乃窮蒐博攷續而書
之以補正其缺失端有望於後
之君子矣

康熙歲己酉夏六月里人江澂書



棗強縣志跋

吾棗盲漢歷唐宋元明千有餘年前此未聞有為之志者唯是吏其土習知其風俗戶口物力可志則志出吾縣之志始盲邑侯羅郭二公泊王公從而修葺之銓次其目五十有一釐為卯卷義例不繁詳要有體稱

美備矣過此日遑五十年以及我

清變革代更民物貢賤丕風土俗政事之益損吏治出尋失尚缺而未詳焉茲者宣城

胡公曰精邃出學洞朗淵博之方與識續成一邑之興盲為序目弁端用壽諸梨棗 雖不

鄉居 諸鄉先生之後
與 其事第不牽有子出喪閉
戶讀禮未嘗叅過而問之 已
酉春二月濁文造舍爲予 縣
志大吏脩志盛舉信吾輩責也
乃無_胎往之所躋者在工資而
今出所苦者又在廩餼矣且奈
何 不肖 曰然將無使我邑大典

任其廢墜而中落乎雖公事實
我儕吏也抑又何辭於是延工
化裕供給期奉諸鄉先生之志
相与有成再歷卯月_劫既卒志
歲月於末簡譖譎是書之成豈
徒紀典故昭前徽以示無 而
哉殆令後出觀民設教者由

曰盡適治善

論世尙爻者由是而求諸古
日為多識稽倣之資誠大有補
於風化也卯侯中塲固足不朽
而諸鄉先生夫与言力焉若不
肖學殞荒落香見寡陋一得未
効遙觀厥成復何言中可贅哉
皆

皇清康熙八年歲次己酉六月既望

恩拔貢生邑人劉永祺頓首撰



跋

吾縣邑志成自康熙己酉越

庚申九十二祀今我

皇上銳志灑古特

簡儒臣纂修

國史我侯

董公加意民岩磨勵風俗下

車以來因革損益有裨政教

不一而足茲恪遵

諸上臺憲檄嚴限刻期續輯

新志彙之摠志用備叅訂以

襄一代之盛治僕因奉

上命分不敢辭鄉先生司直
鄭公總其大綱相與有成編
年序事續集此帙功既竣付
之剗第緣前刻梨棗參錯
今復工促日迫新舊相間補
綴弗工未免有闕畧之憾耳

皆

今上御極之十有九年歲在庚申

中穰之吉

六十七叟江澂謹跋

